

洵陽縣鄉土志

人類

縣境方向

戶口

縣境四界

氏族

四路分區

宗教


每區四界分注

實業

區中古蹟

地理





人類

五方雜處多楚鄖人土著甚少間有回民

邑值鼎革以後居民寥落土地荒蕪五方之遷居者楚鄖為多西安府屬次之楚人多耕種西安府屬之人多為商間有回民亦城內數家而已

地屬瘠僻俗尚誠慤士知敦本農苦東作

邑本山城土地磽薄人民雜處風俗不一然皆誠慤可喜不尚虛偽士亦克敦古處惟農最苦攀巖捫蘿終年耕作

勤儉成風侈靡不事喪祭冠婚猶存古意

邑中工匠多土人尚不怠惰其農商士庶亦皆勤儉自持戒於奢侈迄今婚喪祭尚有恪遵家禮者

戶口

里甲凡四洵河洵陽蒙恩蜀河賦取丁糧

前明共一十七里萬歷十年知縣南北奉文裁二里明末又裁十一里所存四里

國朝因之

編戶一萬八千五百六十六零遠過原額

國初遷徙無多土著寥寥乾嘉以後遭教匪之亂道光時生息甚蕃咸同時又遭粵匪蹂躪光緒三年大旱人多流離死亡今則休養生息遠過原額矣

丁口九萬二千九百九十又六蕃衍盈冊

共編戶一萬八千五百六十六戶丁男婦大小九

萬二千九百九十六口皆漢戶無旗戶

宗教

外教無多人宗孔孟天主耶蘇亦少尊奉

山深地僻土瘠民貧故外教絕少

實業

士居什一農居什九工作無多商雜秦楚

四境皆山皆賴人力耕作故農最多士次之工作
寥寥並無機器商半秦楚人土著甚少

地理

縣境方向在省之南七百餘里置郵可傳

洵陽居省城之南由縣治北小路至省七百二十里由興安漢中站路至省一千七百一十里

沿漢達府居興安東百二十里水陸俱通

邑居府城之東沿漢水而上至興安府一百二十里陸路亦然

縣境四界

本境四界東至白河接壤鄖西犬牙相錯

縣境東由漢江南至崩頭溝一百八十里交白河縣界由漢江北至魚窩舖一百八十里交湖北鄖西縣界

西接安康北至鎮安正南竹谿平利西南

西至青山舖六十里交安康界南至東岱頂一百

九十里交湖北竹谿縣界又至萬興寨一百五十里交竹山縣界北至界牌石二百里交鎮安縣界東南至朱家河一百四十里交白河縣界西南至了溝山一百六十里交平利縣界東北至牛心石一百五十里交湖北鄖西縣界西北至麻坪舖一百六十里交安康縣界城內坊表四座廟宇七座高等小學堂一所初等小學堂一所養濟院一所

縣境分區

東西南北境分四路多寡不一四十八舖

縣境分四路東路二十舖南路十二舖西路六舖北路十舖

區之四界

每路每舖接壤相通網以洵漢界限分明

縣以洵漢二水為大網東路沿漢水而下西路由漢水而上南路以漢水為界北路以洵水為界

東路

東二十鋪首曰高店西連縣治東界構園

東路第一鋪即高店鋪西連洵城東連構園鋪

南逾漢水交小棕溪北草坪鋪壤地可稽

高店鋪南過漢水交小棕溪鋪北接草坪鋪境內靈岩古蹟一所祠廟二座市鎮一區距城十五里

漢水之東是曰構園西岔居北高店西連

二即構園鋪東南俱連小棕溪鋪西連高店鋪北連西岔河鋪鋪內祠廟一座橋梁一處市鎮一區距城三十里

棕溪濱漢構園上接泥溝東繞冷水北折

三小棕溪鋪東連泥溝鋪南濱漢水西連構園鋪
北連冷水河境內祠廟一座橋梁一處市鎮一區
學堂一所距城四十五里

泥溝一鋪臨漢水邊東西棕溪北連小關

四泥溝鋪東連大棕溪鋪西連小棕溪鋪南臨漢
水北連小關鋪境內祠廟二座橋梁一處市鎮一
區距城六十里

大棕溪境小關泥溝北界漢江南至歪頭

五大棕溪鋪其界東連小關鋪西連泥溝鋪南連
歪頭山北濱漢水鋪內祠廟二座市鎮一區距城
七十
五里

又東一鋪地接焦山棕溪西境東北展園

六小關鋪東北俱連展園鋪南連焦山鋪西連大棕溪鋪境內禹穴古蹟一處祠廟一座距城九十五里

小關沙溝環展園鋪漢水南連羊山北顧

七展園鋪東連沙溝鋪南連漢水西連小關鋪北抵羊山境內祠廟二座市鎮一區距城一百一十里

沙溝一鋪展園之東境接蜀河南北相通

八沙溝鋪東連蜀河口鋪南連大棕溪鋪西連小蜀河北連泥溝鋪境內祠廟一座橋梁一處市鎮一區距城一百二十里

蜀河一鎮漢水之湄舟楫絡繹商賈雲集

九蜀河鋪東連仙河鋪南連沙溝鋪西連閭關鋪
北連泥溝鋪境內大夫營古蹟一處市鎮一區商
務頗盛為一邑之精華橋梁一處學堂一所距城
一百四十里

有仙河鋪湖省北邊藍灘東界蜀河西南

十仙河鋪東連藍灘鋪西南連蜀河鋪北界湖北
省境內祠廟一座市鎮一區距城一百五十五里

隣白河界鋪名藍灘南接蜀鎮沙溝北連

十一藍灘鋪東交白河縣界南連蜀河鋪西連仙
河鋪北連沙溝鋪境內祠廟二座市鎮一區學堂
一所距城一
百七十里

由蜀河口入至閭關界龍家河西北焦山

十二閭關舖在蜀河內東西南俱連蜀河舖西北
連焦山舖東北連龍家河舖境內古蹟祠廟橋梁
坊表市鎮學堂俱無距城一百七十里

龍家河舖雙河相連東北兩界尖山閭關

十三龍家河舖東連閭關舖西南俱連雙河口北
連尖山舖境內祠廟一座距城一百八十里

邑之東界舖名尖山西北一境與鄖西連

十四大尖山舖東連仙河舖西北交湖北界南連
龍家河舖境內祠廟一座距城一百九十里

折而北行為焦山舖尖山在南上下廻顧

十五焦山舖東連閭關舖西連雙河口南連蜀河

鋪北連龍家河鋪境內祠廟一座距城一百五十里
雙河口鋪二水交投下通蜀鎮上接羣流

十六雙河鋪東連白河縣界西連潘家河鋪南連
西岔河鋪北連竹筒河鋪境內祠廟一座市鎮一
區學堂一所距城一百五十里

溯流而上潘家河鋪南達竹筒必由之路

十七潘家河鋪東連雙河鋪南連竹筒河磨溝河
西連盛家河鋪北連尖山鋪境內祠廟二座距城
一百六十里

水出羊山流為西岔稻田平行最宜耕稼

十八西岔河鋪東連雙河鋪南連焦山鋪西連草
坪後鋪北連竹筒河鋪境內祠廟一座石橋一處
學堂一所距城一百二十里

竹筒一境與西岔通潘家河鋪即在其東

十九竹筒河鋪東連潘家河鋪南連西岔河鋪西
交鎮安縣界北連盛家河鋪境內祠廟一座學堂
一所距城一百四十里

盛家河界西交鎮安東南竹筒鄂省北連

二十盛家河鋪東南俱連竹筒河鋪西交鎮安縣
界北交湖北省界境內祠廟一座距城二百里東
路鋪界終

南路

南十二鋪首曰神河連壩河鋪商賈繁多

南路第一鋪即神河口鋪東西北俱連壩河鋪南
連大神河鋪境內市鎮一區為南路商務之最祠

廟二座學堂一所距城七十里

大小神河二鋪連區一交平利一界竹谿

第二大神河鋪東南俱交平利縣界西交安康縣
界北連小神河鋪距城一百六十里
三小神河鋪東連銅錢關西北連大神河鋪南交
竹谿縣界距城一百六十里

神河而上至金河口正路歧途分投各處

四金河口鋪東連白河縣界南連小金河鋪西連
大棕溪鋪北連廟子坳鋪境濱閭河正路支路俱
從此分鋪內祠廟一座距城八十五里

金閭二河東西相顧中環一區廟子坳鋪

五廟子坳鋪東連大金河鋪南連花園寺鋪西連
小神河鋪北連金河口鋪距城九十里

大小金河區境相通交白河界疆域分明

六大金河鋪東連朱家河交白河縣界南連紅土
寺鋪西連廟子坳鋪北連東路展園鋪境內祠廟
二座學堂三所距城一百一十里
七小金河鋪東連朱家河交白河縣界南連閭河
鋪西北俱連大神河鋪距城一百五十里

花園寺鋪廟坳之東接壤紅土二河相通

八花園寺鋪東連紅土寺鋪南連朱家河西連廟
子坳鋪北連大金河腦境內祠廟一座距城一百
三十里

又東紅土地接竹山白河縣界亦與相連

九紅土寺鋪東交竹山白河二縣界南連七里關
鋪西連花園寺鋪北連小金河鋪境內學堂二處

距城一百六十里

七里關鋪要隘之地凡泥可封堪資守禦

第十七里關鋪為洵邑要隘之區鄰縣有警守禦莫要於此其界東連銅錢關鋪南連小神河鋪西連紅土寺鋪北連竹山縣界境內祠廟一座學堂一所距城一百六十里

銅錢一鋪七里關東竹山近接疆界分明

十一銅錢關鋪東北俱連竹山縣界西連七里關鋪南連小神河鋪境內祠廟一座距城一百八十里

邑南邊界有朱家河鄰縣接壤區境無多

十二朱家河鋪東交白河縣界西連大金河鋪南北俱連大神河鋪距城一百九十里南路鋪界終

西路

西路六鋪第一劉店逼近縣城濱臨洵漢

西路第一鋪曰劉店鋪東連縣城境南連廟子地
鋪西連閭河鋪北連漢水境內祠廟二座距城十
五里

松木一鋪南連閭河東北草坪青山西峩

二即松木鋪東北俱連草坪鋪南過漢水連閭河
鋪西連青山鋪境內祠廟一座距城二十五里

有閭河鋪閭水之濱由茲達漢舟楫如林

三閭河鋪居閭河入漢之處頗有商務舟行上下
相望其界東連劉店鋪南連神河鋪西連廟溝鋪
北連漢水境內祠廟二座橋梁一處學堂一處坊
表一座市鎮一區距城三十里

交安康界鋪曰廟溝青山北列閭水東流

四廟溝鋪東連閭河鋪北連青山鋪西南俱交安

康縣界境內祠廟一座距城四十五里

溯游而上青山矗立縣之西境壤接鄰邑

五青山鋪東連廟溝鋪南濱漢水西交安康縣界

北連麻坪河鋪境內祠廟一座距城六十里

壩河一鋪漢水之陽兩縣連界平利安康

六壩河鋪東北俱連閭河鋪南交安康平利二縣

界西連廟溝鋪距城五十里西路鋪界終

北路

北路十鋪第一草坪洵水中貫逼近縣城

北路第一鋪即草坪鋪洵水中貫近城者為前鋪
過洵水近羊山者為後鋪其界東連西岔河鋪南
連縣城西連劉店鋪北連柳村鋪境內子房洞古
蹟一處祠廟一座距城十五里

柳村之區土沃壤平青山松木巨嶺中橫

二柳村鋪東連草坪鋪南連松木鋪西連青山鋪
俱中隔一嶺北連乾溪鋪境內祠廟一座距城三
十里

有水入洵是曰乾溪二流環繞蕞爾微區

三乾溪鋪乃乾溪河入洵水之處東南俱連柳村
鋪西連青山鋪北連大嶺鋪境內祠廟一座學堂
一處市鎮一區距城六十里

麻坪蘭草兩鋪相望既連乾溪亦界安康

四麻坪河鋪東連乾溪鋪西北俱連趙家灣鋪南至關溝地交安康縣界境內祠廟一座學堂一所市鎮一區距城一百二十里
五蘭草坪鋪東連趙家灣鋪南連麻坪河鋪西交安康縣界北連兩河關鋪距城一百七十里二鋪相連其大小亦相當為乾溪水過境之地邊界俱交安康縣

乾溪之上大嶺嵯峨地皆山逕平壤無多

六大嶺鋪東過洵水連趙家灣鋪南連麻坪鋪西連乾溪鋪北連趙家灣鋪境內學堂一所距城八十里

趙家灣鋪上接兩河山拱白雲洵環碧波

七趙家灣鋪東盡白雲山南連大嶺鋪西連麻坪鋪北沿洵水連兩河關鋪境內市鎮一區學堂一

所義渡一處距城一百二十里

兩河關鋪二水交投合而為洵逕東南流

八兩河關鋪乃任河乾佑合而為洵之處東連鎮安縣界南連趙家灣鋪西連蘭草坪鋪北連茅坪鋪境內祠廟一座義渡一處距城一百六十里

茅坪任河疆域相連大山中界臨邑之邊

九茅坪鋪東南俱兩河關鋪西交鎮安縣界北連任河口鋪境內祠廟二座義渡二處距城一百八

十里

十任河口鋪東連茅坪鋪西南俱交鎮安縣界北

抵水田坪交鎮安安康二縣界境內祠廟三座義

渡二處距城二百一十里北路鋪界終

禹穴小關鋪古蹟

漢水之北禹穴猶存巍巍神聖遺跡至今

縣志載禹穴在縣東小關鋪江北巖深丈許縱橫
皆一丈有餘相傳禹治水憇息於此上刻禹穴二字
子房洞 草坪鋪古蹟

留侯避穀遺室羊山號子房洞千載名傳

子房洞在縣北之羊山冷水河有洞幽邃縣志載
之頗詳相傳為留侯避穀之所

讀書亭

讀書亭下瑞芝留芬尚論念庵理學名臣

羅洪先字念庵本吉水人父占籍白河洪先來洵
讀書城外之靈崖寺曾採芝於其地明邑令蔣昂

因地建亭今圯而碑尚存記其事甚詳屬縣東高
店鋪

大夫營

涓陽之澚為大夫營屯兵鄧愈遺有芳蹤

大夫營在縣東蜀河口鋪離蜀河三里許明御史
大夫鄧愈屯兵於此崖上刻有大夫營三字